



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD VISOKO
GRADONAČELNIK**

Broj: 09/3-45-1-10671-5/23

Datum: 18.10.2023.god.

Gradonačelnik grada Visoko, na osnovu člana 70. Zakona o javnim nabavkama BiH ("Službeni glasnik BiH" broj: 39/14 i 59/22), Pravilnika o javnim nabavkama („Službeni glasnik Grada Visoko” broj: 02/22), otvorenog postupka javne nabavke za nabavku terenskog motornog vozila za Štab civilne zaštite Grada Visoko pokrenutog Odlukom o pokretanju postupka 09/3-45-1-10671/23 od 23.08.2023.god. objavljenog na Portalu javnih nabavki Obavještenjem o nabavci broj: 870-1-1-88-3-95/23 i na osnovu prijedloga datog u Zapisniku Komisije od 16.10.2023.god, donosi:

**ODLUKU
o poništenju postupka javne nabavke**

I

Odlukom o izboru najpovoljnijeg ponuđača broj: 09/3-45-1-10671-3/23 od 15.09.2023.god. kao najpovoljniji ponuđač izabran je „KUNA” EXPORT-IMPORT d.o.o. Visoko.

Ponuđač „KUNA” EXPORT-IMPORT d.o.o. Visoko neblagovremeno je dostavio dokaze tražene tačkom II Odluke o izboru najpovoljnijeg ponuđača broj: 09/3-45-1-10671-3/23 od 15.09.2023.god.

II

Poništava se postupak javne nabavke.

III

Odluka stupa na snagu danom donošenja.

Obrazloženje

Grad Visoko je pokrenuo otvoreni postupak javne nabavke za nabavku terenskog motornog vozila za Štab civilne zaštite Grada Visoko Odlukom o pokretanju postupka broj: 09/3-45-1-10671/23 od 23.08.2023.godine. Postupak je objavljen na portalu javnih nabavki Obavještenjem o nabavci broj: 870-1-1-88-3-95/23 i u Službenom glasniku BiH, broj: 60/23 od 01.09.2023.godine.

U skladu sa članom 13. Zakona o javnim nabavkama BiH („Službeni glasnik BiH” broj: 39/14 i 59/22) i Pravilnikom o uspostavljanju i radu komisije za javne nabavke („Službeni glasnik BiH”, broj: 103/14 i 49/23) Komisija je imenovana Rješenjem broj: 09/3-45-1-10671-1/23 od 23.08.2023.godine, u sastavu:

1. Abas Avdagić, predsjednik
2. Edin Smailović, član
3. Alen Delić, član
4. Zilha Sirčo, sekretar

1. Andrea Mitrović Karačić, zamjenik predsjednika
2. Aida Alibegović, zamjenik člana
3. Edin Džafić, zamjenik člana
4. Adna Smajić, zamjenik sekretara

Tenderska dokumentacija je bila objavljena na portalu javnih nabavki. Uvidom Komisije u Izvještaj o preuzimanju TD od strane ponuđača utvrđeno je da je ponuđač koji je dostavio ponudu, preuzeo i TD.

U roku za dostavljanje ponuda 13.09.2023.godine (srijeda) do 12:00 sati dostavljena je ponuda ponuđača:

1. „KUNA” EXPORT-IMPORT d.o.o. Visoko

Komisija je konstatovala da ponuđač „KUNA“ EXPORT-IMPORT d.o.o. Visoko u zatvorenoj koverti dostavio dokumentaciju iz člana 45. Zakona o javnim nabavkama neblagovremeno. Koverta je zaprimljena na protokol Ugovornog organa dana 28.09.2023. godine pod rednim brojem protokola 190/23, a ponuđač je Odluku o izboru najpovoljnijeg ponuđača broj: 09/3-45-10671-3/23 od 15.09.2023. godine zaprimio 20.09.2023. godine što je vidljivo iz Povratnice. Ponuđač nije dostavio dokumentaciju iz člana 45. Zakona o javnim nabavkama u skladu sa tenderskom dokumentacijom i tačkom II Odluke o izboru najpovoljnijeg ponuđača broj 09/3-45-1-10671-3/23 od 15.09.2023. godine.

Komisija je predložila Ugovornom organu donošenje Odluke o poništenje postupka javne nabavke.

U skladu sa navedenim, odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđač ima pravo da izjavi žalbu u roku od 10 (deset) dana od dana prijema odluke. Žalba se ulaže ugovornom organu u pisanoj formi direktno ili preporučenom poštanskom pošiljkom. Žalba se podnosi u 3 (tri) primjerka.



GRADONAČELNIK
mr.sc. Mirza Ganić, dipl. ing.

Dostavljeno:

1. „KUNA“ EXPORT-IMPORT d.o.o. Visoko,
2. Evidencija,
3. a/a.-